



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 415
fax. +387 33 726 414
e-mail: info@voda.ba

Broj: UP-1/21-3-40-030-5/24
Datum: **22.02.2024.**

«Agencija za vodno područje rijeke Save» Sarajevo rješavajući po zahtjevu Investitora Luka Arsić, vl. autopraone „ARSIĆ” Drvar za donošenje rješenja o vodnoj dozvoli za ispuštanje oborinskih i tehnoloških, onečišćenih voda sa lokacije i objekta autopraone koja se nalazi u ulici Slavka Rodića bb, općina Drvar, na osnovu člana 109. stav 1. točka 2. Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola Investitoru, Luka Arsić, vl. autopraone „ARSIĆ” Drvar, za ispuštanje oborinskih i tehnoloških, onečišćenih voda sa lokacije i objekta autopraone koja se nalazi u ulici Slavka Rodića bb, općina Drvar, na zemljištu označenom kao k.č. broj: 46/12-4, P.L.1206, K.O.Drvar, općina Drvar.
2. Ova vodna dozvola se odnosi isključivo na ispuštanje oborinskih i tehnoloških, onečišćenih voda sa lokacije i objekta autopraone, definirane točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona 10, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da korisnik predmetnog objekta, za vrijeme trajanja ove dozvole, osigura da se onečišćene vode sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u gradsku kanalizaciju.
 - 3.3. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.4. Prečišćene oborinske vode moraju ostati u maksimalno dopuštenim granicama definiranim članovima 14. i 15. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.5. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti i izdvojenim naftnim derivatima.
 - 3.6. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).

- 3.7. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.8. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.9. Vršiti redovan monitoring o ispitivanju i ocjeni kvaliteta otpadnih voda iz kontrolnog šahta prije ispusta u gradsku kanalizaciju.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20) i Uredbe o uvjetima ispuštanja otpadnih voda u okoliš i sustave javne kanalizacije.
- 3.10. Ukoliko Vlada Kantona 10 propiše dodatne (strožije) uvjete za ispuštanjem otpadnih voda u površinske vode odnosno kanalizacioni sustav, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. tabele, te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik Luka Arsić, vl. autopraone „ARSIĆ“ Drvar je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav 1. Zakona o vodama („Službene novine Federacije BiH“ broj 70/06) se daje sa rokom važenja od 5 (pet) godine od dana pravosnažnosti ovog rješenja.
11. Prije isteka važnosti ove dozvole Investitor Luka Arsić, vl. autopraone „ARSIĆ“ Drvar, dužan je da zatraži izdavanje nove vodne dozvole.

O b r a z l o ž e n j e

Investitor Luka Arsić, vl. autopraone „ARSIĆ“ Drvar, podnio je zahtjev za izdavanje vodne dozvole za ispuštanje oborinskih i tehnoloških, onečišćenih voda sa lokacije i objekta autopraone koja se nalazi u ulici Slavka Rodića bb, općina Drvar, na zemljištu označenom kao k.č. broj: 46/12-4, P.L.1206, K.O.Drvar, općina Drvar.

U provedenom postupku uz zahtjev za donošenje rješenja o vodnoj dozvoli, dostavljena je slijedeća dokumentacija:

- Ovjereni kopija Rješenja o registraciji broj: UP:03-17-350-1/23 izdanog dana 26.04.2023. godine od strane Službe za privredu, financije i inspeksijske poslove Općine Drvar,
- Ovjereni kopija Uvjerjenja o poreznoj registraciji izdanog dana 12.05.2023. godine od strane Porezne uprave-Kantonalni porezni ured Livno,
- Kopija komunalne suglasnosti o priključku na gradski kanalizacioni sistem broj: 509-11/10 izdate dana 31.08.2010. godine od strane JKP «KOMUNALAC DRVAR» d.o.o. Drvar,
- Kopija suglasnosti o priključku na gradski vodovodni sistem broj: 00-11-163-09/04 izdate dana 27.09.2010. godine od strane JKP «KOMUNALAC DRVAR» d.o.o. Drvar,
- Kopija Rješenja o odobrenju za upotrebu broj: UPI 06-19-5-656/21 izdanog dana 16.07.2021. godine od strane Službe za imovinsko, pravne poslove i geodetske poslove, Općine Drvar,
- Projektno tehnička dokumentacija izrađena od D.P. „Zavod za studije i projektiranje“ Banja Luka, oznake 02-131/2009 iz 6/2010,
- Zapisnik o čišćenju separatora od strane s «DELTA PETROL» d.o.o. Kakanj, br. 1911/23-DS od 08.12.2023.god.,
- Kopija Izvještaja o monitoringu kvaliteta i kvantiteta otpadnih voda urađen od strane «TQM» d.o.o. Lukavac broj: 1/1 iz 1/24,
- Atestna dokumentacija za separator masti i ulja tipa AQUAREG NG 3MT, proizvođača REGENERACIJA d.o.o. Velika Kladuša.
- Dokaz o uplaćenju upravnoj i administrativnoj taksi,
- Dokaz o uplati po Zaključku o posebnim troškovima.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-030-4/24 od 20.02.2024. na kome je konstatirano sljedeće:

Objekt autopraone izgrađen je u ulici Slavka Rodića bb, Općina Drvar i sastoji se od dva boksa, skladišta, sanitarnog čvora, sustava odvodnje, separatora ulja i masti tipa AQUAREG NG 3MT, proizvođača REGENERACIJA d.o.o. Velika Kladuša, kontrolnog šahta i priključka na gradski kanalizacioni sustav.

Vodoopskrba za sanitarne potrebe i rad autopraone osigurano je priključkom na gradski vodovodni sustav kojim upravlja JKP «KOMUNALAC DRVAR» d.o.o. Drvar.

Sanitarne-fekalne otpadne vode se prikupljaju zasebnim kanalizacijskim sustavom sa ispuštanjem u gradski kanalizacioni sustav.

Zaustavljene oborinske vode sa radnih, manipulativnih i prometnih površina platoa autopraone se prikupljaju sistemom podužnih slivnih rešetki te odvede na tretman u separator ulja i masti. Krajnji ispušt prečišćenih voda je, preko okna za monitoring, u gradsku kanalizaciju.

Čišćenje separatora se redovno vrši od strane «DELTA PETROL» d.o.o. Kakanj (na uvid predložen Ugovor i Zapisnik).

Monitoring otpadnih voda se vrši redovno. Na uvid predloženi Izvještaji o monitoringu kvaliteta i kvantiteta otpadnih voda urađen od strane «TQM» d.o.o. Lukavac broj: 1/1 iz 1/24. Ispitivani parametri zadovoljavaju sve parametre Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).

Objekt se ne nalazi u vodnom dobru kao i u vodozaštitnim zonama.

Za predmetni objekt izrađena je projektno tehnička dokumentacija od D.P. „Zavod za studije i projektiranje“ Banja Luka, oznake 02-131/2009 iz 6/2010, koja sadrži hidrofazu odnosno prikupljanje i tretman otpadnih voda.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa članom 116. stav (1), članom 117. Zakona o vodama i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu provedenog postupka konstatira se da je podnosilac zahtjeva Luka Arsić, vl. autopraone „ARSIĆ“ Drvar, ispunio minimum uvjeta za izdavanje vodne dozvole za ispuštanjem oborinskih i tehnoloških, onečišćenih voda sa lokacije izgrađene autopraone te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
Rukovodilac Sektora za izdavanje vodnih akata


Haris Ališehović, dipl. ing.grad.

Dostaviti:

- Luka Arsić, vl. autopraone „ARSIĆ“ Drvar, Slavka Rodića bb, Općina Drvar,
- AVP, ISV – Vodna knjiga,
- Sektor 50,
- ⓪ Sektor 40, arhiva
- Oglasna ploča-AVP Sava